

1. Kulalela Nekukhuluma

Emaviki
5-6

Tinhloso tesifundvo

- Kufundza ngenkhulumo lengakalungiselelwa
- Kufundza ngenkhulumo lelungiselelwe

Inkhulumo lengakalungiselelwa

Lokwentiwa nguthishela

1. Fundzisa ngenkhulumo lengakalungiselwa

Lena yinkhulumo letfulwa ngaphandle kwekulungiselela nekulandzela imigomo yekwetfulwa kwenkhulumo Kwetfula inkhulumo lengakalungiselelwa kulikhono lelibalulekile kutsi sonkhe sibe nalo.

Emasu ekukhuluma

1. Emakhono ekukhuluma emmangweni
2. Kuhlela ,kucwaninga nekuhlelembisa
3. Kwetfula: liphimbo, kuvakala, imphimiso, kuhlanagana ngemehlo kunyakata, kunonga inkhulumo.
4. Kusetjentiswa kwelulwimi
5. Sitayela nerejista.

Lokumele ukwente nawetfula inkhulumo lengakalungiselelwa:

- Sebentisa esingeniso lesihehako nesiphetho lesinemfutfo.
- Sebentisa silulumagama lesifanele kanye nelulwimi lolunotsile.
- Kusebentisa tinhlobo temisho.
- Kusebentisa tingeniso letihehako netiphetho letinemfutfo.
- Hlela ubuye uhlanganise imibono lehambisanako ngekushesha.
- Kukhombisa kutetsemba nekukhombisa lwati ngentfo lokhuluma ngayo ngaphandle kwekungabata.

2. Nika umsebenti labatawenta ngemacembu.

Umsebenti

Ngemacembu cocani ngalesibonwa lesingenhla nicoce nendlela ibhasi leyisebentisana ngayo nemphakatsi.

Timphendvulo letilindzelekile

1. Ngitamtsatsa kepha
2. Bese kusele kutsi atfolo:
3. Babala kusukela ku-10 kuya ku-1000

Inkhulumo lelungiselelwe

Lokwentiwa nguthishela

1. Fundzisa ngenkhulumo lelungiselelwe.
 - Inkhulumo lelungiselelwe, yinkhulumo letfulwa ngekulandzela imigomo yekwetfulwa kwenkhulumo
 - Inkhulumo lelungiselelwe iba nesihloko bese kugcgcwa emaphuzu. Inhloso yenkhulumo lelungiselelwe ayisiyo yekujabulisa nje kuphela kodvwa kufundzisa tetsamelilwati lokutsite nobe bachubeke balandzele imibono yabo.
 - Nayetfulwa kuba khona timiso letilandzelwako njengekutsi iyacwaningwa ngobe kumele ibe nemaciniso kanye nekuhleleka.

Lokumele ukwente nawulungiselela inkhulumo

- Kucwaninga
- Nawutawetfula inkhulumo tilungiselele ngalokuphelele.
- Gcogca lwati ngesihloko uluhlele ngetihlokwana ngalendlela;
 - singeniso
 - ingcikitsi/indzikimba
 - siphetfo
- Sebentisa imitfombolwati, emabhuku, tichazamagama kanye nesigcogcamagama
- semagama abomcondvofana nalaphikisako
- Sebentisa emagama lanembako, lulwimi lolufanele loluhambisana nenhloso kanye netetsamelilwati.

Inchubo yekukhuluma.

Kubingelela

Kumele ucale ngekubingelela tetsamelilwati kanye nekubonga litfuba lekutfole litfuba lekwetfula inkhulumo.

Singeniso

Kumele sibe sifisha sihehe. Singeniso singaba liciniso lelake lashiwo ngulomunye, indzatjana lehlekisako kodvwa lephatselene naloko lotakusho, umbuto lodzinga imphendvulo lephatselene naloko lotakusho.

Ingcikitsi/indzikimba

Indzikimba nguloko lohlose kukundlulisela kulabalalele. Kumele ihlelwe ngemaphuzu itsintse tonkhe tihlokwana ngekulandzelana kwato. Ayingabi yindze igcine iphume esihlokweni. Kumele ibe ngemaphuzu laliciniso. Kumele ube nelwati lwekusetjentiswa kwelulwimi.

Siphetfo

Asibe sifisha sinembe. Asigcizelele emaphuzu nobe siphose inselele etitsamelini.

Kwetfulwa kwenkhulumo lelungiselelwe

- Ungakhohlwa kubingelela ubonge nelitfuba.
- Tatise ligama nesibongo, umsebenti lowentakoko ngaphambi kwekuyetfula inkhulumoyakho.
- Ngenisa inkhulumo ngendlela letawuheha labakulalele.
- Khuluma ube utibukile tetsamelilwati takho.
- Ungalenti liphutsa lekushikisha tandla nekunyakata ngalokungenasidzingo.
- Kumele ube nemakhono ekwethula inkhulumo njengekwehlisa nekwenyusa liphimbo lapho kudzingeke khona.
- Kumele usebentise liphimbo kahle ukhulume uvakale.
- Kumele ukhulume ngalokukhulu kutetsemba kute inkhulumo yakho ivakale
- Kumele usebentise lulwimi lwemtimba lolufanele, sibonelo uphumule lapho kufanele khona, unyakatise tandla lapho kudzingeke khona.
- Nangabe tetsamelilwati tisahleka tinike litfuba ticedze ubuye uchubeke nenkhulumo nasekute umsindvo.

Sibonelo senkhulumo yelilunga lemmango

Inkhulumo yeyetfulwa likhansela lasesigodzini sangakitsi lelingubabeZIKODE wetfula inkhulumo yakhe ngesihloko lesitsi 'kunakekelwa kwemanti'

Sive sakitsi ngitawukhuluma ngekunakekelwa kwemanti njengoba siyati kutsi kuswelakala kwemanti ngikolokusihluphako kakhulu.

Bantfu bakitsi kumele siwanakelele ngalendlela. Singaboshiya timpompi tivulekile ngoba sihlalo singekho emakhaya esikhatsini lesinyenti, ngoba sizatfu siyasebenta.

Asifundzeni kutsi nangabe sinişela sibonisela ngesikhatsi lesanele kungabi sikhatsi lesidze njengokutsi lilanga lonkhe kumele siwonge.

Asatini bantfu bakitsi vele emanti ngeke aphume wonkhe emalanga kungenca yekutsi wonkhe umuntfu kumele awatfolwe, Nangabe kulilanga lenu khelelani nigcwalise timbita tenu kute kutsi nibe nawo. Lamanti atewdlulisa lilanga linye bese kulelilesibili abuye kini.

Khutani bantfwana bangadlaleli etimpompini ngobe ubatfola batselana ngemaphayiphi nangabe emanti aphuma. Nibuye niyakhala kutsi asininiki emanti kantsi nine aniwanakekeli. Takhamuti takitsi asiwanakekeleni emanti kute singatfolakali sesinatfa emanti lakhiwe emfuleni langasibangela sifo sensheko nobe ikholera

2. Nika umsebenti lebatawenta ngababili

Umsebenti

Ngababili khetsani sinye saletihloko letilandzelako nilungiselele inkhulumo.

1. Kubaluleka kwekusetjentiswa tigitjelwa letisezingeni lelilungele kuhamba emgwacweni.
2. Lizinga letingoti emigwaceni libangwa kushayelisa bantfu labangenatincwadzi letifanele.